

唐
音
統
籤

戊籤三段成式之二

唐音統籤卷

五百七十四

附

張希復

字善繼常山人牛僧孺之婿河南府士曹集賢校理後官學士

鄭符

字夢復校書郎

昇上人

無考

遊長安諸寺聯句

成式序云會昌三年夏余與張君善繼鄭君夢復連

職仙局假日乃約一句尋兩寺以街東興善為首遊及慈恩初知官將併寺僧眾草草乃泛問一二上人及記塔下齒跡遊於此遂絕後三年職京洛刺安成至大中七年歸京故簡中觀與二亡友遊寺造適樂事邈不可追方復刊整十亡五六矣今摘其詩於左

大興善寺

寺左靖恭坊有不空三藏塔塔

龍骨以祈雨蓋三藏役龍意其木必有
靈也東廊南素和尚院有紫桐四株至
夏有汗汚人衣不可浣元和中鄭相欲
爲素伐去植松素視木汝以汗爲人所
惡來歲若復有汗我必薪汝自是無汗
今已十五餘年無汗矣素公不出院轉
法華經三萬七千部夜常有貉
子聽經有僧玄幽題素公院詩

乘晴入精舍語默想東林盡是忘機侶誰驚息影

禽希復

有松堪繫馬遇鉢更投針記得湯師句高禪助朗

吟

成式

一雨微塵盡支郎許數過方同嗅薝蔔不用美多

羅符

蛤像

寺有左廊蛤像舊云隋帝嗜蛤所食必兼蛤味數逾千萬矣忽有一蛤推

擊如舊帝異之置諸几上一夜有光及

明肉自脫中有一佛二菩薩像帝悲悔

誓不

食蛤

雖因雀變化不逐月虧盈縱有天中匠神工詎可

成

成式

相好全如梵構倪祇爲隋寧同蚌頑惡但與鷸相

持

希復

聖柱

上有鐵索跡

天心惟助善聖跡此開陽

成式

載憑雷輪重經疑電

索長

希復

上行扶縴棟不動束銀鎚

成式

饑鳥未曾啄

乖龍寧敢藏

希復

安國寺紅樓做懸侯體

寺在長樂坊紅樓者唐宗在藩時舞

重疊碎晴窗餘霞更助紅蟬聲近鳩鵲鳥道接相

風

希復

苔靜金輪路雲輕白日宮

元和帝幸此宮

壁詩傳

謝客

詞人陳至題此院詩云藻井尚寒龍跡在紅樓初施日光通

門榜占休公

廣宣上人住此院有詩名時號為紅樓集

成式

穗栢

上座璘公院有穗栢一林衛柯覆下坐十餘人

一院暑難侵莓苔共影深枝標爭息鳥餘吹正開

襟

成式

宿雨香添色殘陽右在陰乘閒動詩意助靜

入禪心

希復

題璘公院

一言至七言
每人占二題

靜虛熱際安居

符

龕燈歛印香餘東林賓客西澗

圖書簷外垂青豆經中發白蕖縱辯宗因袞袞忘

言事理如如

成式竟

泉臺定將入流否鄰笛足疑清

梵餘

成式新度

趙景公寺壁吳畫

寺在常樂坊南中三門裏東壁上吳道玄白畫

地獄變筆力勁怒變狀陰恠觀之不覺

毛戴三階院西廊下范長壽畫西方變

及十六觀寶池尤妙絕諦視之覺水入

淨壁院門上白畫樹石頗似闢立德西

中三門裏門南吳生畫龍及刷天王
鐵筆蹟如鐵有執爐天女竊畔欲語

慘淡十堵內樂生縱狂跡風雲將逼人神鬼如脫

壁藏式其中龍最怪張甲方汗栗黑雲夜窳窳焉知

不霹靂希復此際忽仙子獵獵衣鳥奕妙瞬乍疑生

參差奪人魄符往往乘猛虎衝梁聳奇石蒼峭束

高泉角騰警傲側成式冥獄不可視毛戴腋流液苟

能水成觀剎那洗火宅昇上人

題約公院四言

印火熒熒燈續焰青希復七俱胝呪四阿含經成式各

錄佳語聊事素屏符丈室安居延賓不局昇上人

雲華寺

寺在大同坊大厝初僧儼講經天雨花收改爲雲華佛殿西廊畫高

僧一十六身天寶

初自南內移來

共入夕陽寺因窺甘露門

昇上人

清香惹苔蘚忍草

維蘭蓀

符

捷偈飛箱荅新詩倚杖論

成式

壞幡標古

剎聖畫煥崇垣

希復

豈慕穿籠鳥難防在牖狼

成式

一

音唯一性三語更三幡

希復

寶應寺僧房

在道政坊齊公王綰捨宅爲寺有韓幹畫下生彌勒衣紫

袈裟右邊仰面菩薩及二獅子尤入神寺中彌勒殿齊公寢堂

古畫思厓嶺上方疑傳品蝶閒移忍草蟬曉喝高

杉

成式

香字消芝印金經發菹函井通松底脉書圻

洞中緘希復

小小寫真

初韓幹少時爲酒家送酒右丞兄弟未遇每貰酒漫遊幹常徵

債其家戲畫地爲人馬右丞精思丹青奇其意趣乃歲與錢二萬令學畫十餘年今寺中釋梵天女悉齊公妓小小等寫真也

如生小小真猶自未棲塵

符

掄袂將離座斜柯欲

近人

成式

昔時知出衆情寵占橫陳

希復

不遣遊張巷

豈教窺宋鄰

符

庾樓吹笛裂弘閣賞歌新蟬怯纖

腰步蛾驚半額顰

希復

圖形誰有術買笑詎辭貧

成式

複隴迷村徑重泉隔漢津

符

同心知作羽比目定

爲鱗希復殘月巫山夕餘霞洛浦晨

成式

菩薩寺書事

寺在平康坊食堂前東壁上吳道玄肅智度論色羯變偈

佛殿後壁吳道子畫消災經事內牆壁維摩變舍利佛角膝而轉元和末俗僧

裝之筆蹟盡矣

悉爲無事者任被俗流憎符客異於時客僧非出

院僧

成式

遠聞踈牖磬曉辨密籠燈

希復

步觸珠幡響

吟窺鉢水澄

符

句饒方外趣遊愜社中朋

成式

靜裡

已馴鴿齋中亦好鷹

希復

金塗筆是駢彩溜紙非繒

昇上人

錫杖已尅鍛田衣從壞膝

成式

占牀暫一脅卷

箔賴長肱

希復

佛日初開照魔天破幾層

成式

甕中陳

秘計論處正燒燈

希復

勇帶綻針石危防丘井簾

成式

光宅寺中禪師影堂

寺在光宅坊師號惠中肅宗上元二年徵

至京師詔居此寺

名下固無虛教曹貌嚴毅洞達見空王圓融入佛

地

希復

一言當要害忽忽醒諸醉不動須彌山

一作不動

如須彌

多言辯無匱

符

坦率對萬乘偈荅無所避爾

如毗沙門外形如脫履

成式

但以理爲量不語恠力

事木石摧貢高慈悲引貪恚

昇上人

當時乏支許何

人契深致隨宜詎說三直下開不二

成式

三階院

宣陽坊靜域寺本太穆皇后宅僧寺云三階院門外是神堯皇帝射

孔雀處殿東廊有古佛堂相傳隋恭帝終此堂

審審助堂堂隋人歌壓桑雙鶻摧孔雀一矢隕貪

狼

成式

百步望雲立九規看月張獲蛟徒破浪中一

漫如牆

復希

還似貫金鼓更疑穿石梁因添挽河力

爲滅射天狂

成式

絕藝却南牧英聲來鬼方麗龜何

足敵殪鹿未爲長

復希

龍臂勝狼臂星芒超箭芒虛

誇絕高鳥垂拱議明堂

成式

招福院贈諸上人

院在崇義坊

翻了西天偈燒餘梵字香撚眉愁俗客反頰背殘

陽

成式

洲號唯思沃山名祇記匡辯中摧世智定裡

破魔強

復希

許叡禪心徹湯休詩思長助吟踈磬斷

久語貫珠坊

成式

乘興書芭葉閒來入豆房漫題存

古壁怪畫匪長廊

希復

崇濟寺宣律和尚袈裟

寺在招國坊寺東廊從南第二院宣

律師製袈

袈堂也

共覆三衣中夜寒披時不鎮尼師壇無因蓋得龍

宮地哇裡塵飛葉相殘

希復

南山披時寒夜中一角不動毗嵐風何人見此生

慙愧斷續猶應護得龍

成式

奇松

崇濟曼殊堂有松數株甚奇

杉松何相踈榆柳方迥屑無人擅談柄一枝不敢

折成式中庭苔蘚深吹餘鳴佛禽至於摧折枝凡草

猶避陰希復僻徑根從露閒房枝任侵一株風正好

來助碧雲吟符時時掃窓聲重露滴寒砌風颭一

枝斜閒窺別生勢昇上人偃蓋入樓妨盤根侵井窄

高僧獨惆悵爲與燈嵐隔成式

資聖寺諸畫倣栢梁體崇仁坊資聖寺淨土院門外相傳吳

生一夕秉燭醉畫就中戟手視之惡駭

院門裏盧稜伽常學吳勢吳亦授以手

訣乃畫總持三門寺方半吳大賞之謂

人曰稜伽不得心訣用思太苦其能久

乎畫畢而卒中門窓間吳畫高僧牽連

贊李嚴書中三門外兩面上層不知何

人畫人物頗類閻令寺西廊北寓楊坦

十二賢聖韓幹畫元中書贊東廊北頭
散馬不意凡者如將嘶蹠聖僧中龍樹
商那和修絕妙圓塔上菩薩李真畫四
面花鳥邊鸞畫藥師菩薩頂上義葵尤
佳

吳生畫勇正戟攢

成式

出變奇勢千萬端

希復

蒼蒼鬼

恠層壁寬

符

觀之忽忽毛髮寒

成式

稜伽之力所疲

殫

成式

李真周昉優劣難

符

活禽生卉推邊鸞

成式

花

房嫩彩猶未乾

希復

韓幹變態如激湍

符

惜哉壁畫

勢未殫後人新畫何汗漫

希復

永壽寺賦閒中好

寺在永安坊三門東有吳道子畫互見辛籤

詞填

閒中好盡日僧爲侶此趣人不知輕風度僧語符

閒中好塵務不縈心坐對當窓木看移三面陰成式

閒中好幽磬度鐘遲卷上論題筆畫中僧姓支復希

保壽寺先天幘讚

寺在羽善坊本高力士宅天寶九載捨爲寺有

先天菩薩幘本起成都妙積寺開元初有尼魏八師常念大悲咒變流縣劉意

兒年十一事尼奧室立禪自尼云先天

菩薩見身此地諦灰于庭有跡巨數尺

輪理成就積授善畫僧揚法成近十稔

工方就畫樣凡十五卷魏七師者崔寧

之甥分三卷往上都流行時魏奉古爲

長史進之後因四月八日賜力士今成

都者是其大本附

觀音化身厥形孔恠施腦淫厲眾魔膜拜希復指夢

鴻紛勝刻區界其事明瞭何不可解成式闢阿德川

大士先夫衆象參羅廠廠田田符百億花發百千

燈燃膠如終澤浩汗連綿希焰摩界戚洛迦苦霽

正念皈依衆如青篲成式戾諦可汰癡膜可蛻稽首

如空眸容若睇希闡提聖師觀而面之寸念不生

未遇乎而成式

戊籤四

唐音統籤卷

十五

溫庭筠

一作雲

并州祁人貞觀宰相彥博後本名岐

字飛卿少敏悟工爲辭章與李商隱齊名號溫李

大中中應舉京師佻蕩不修檢幅多作側辭艷曲

與貴胄蒲飲狎昵又舉場多爲人假手執政惡之

貶授方山尉

北夢瑣言云庭筠才思艷麗工爲小賦每入試押官韻作賦凡八义手而

入韻成常爲隣鋪作文號曰救數人沈侍郎知舉

因別施鋪席授應筠不令與諸人鄰比又云宣

宗好微行遇溫於逆旅溫不識傲然詰之曰公非

司馬長史之流耶又曰得非大參簿尉之類帝曰

非也後坐謫其制詞曰徒負不徐商鎮襄陽署爲

羈之才罕有適時之用云云

巡官

時與段成式周繇韋蟾弟廐皓同在幕府多倡和之什

咸通中失意歸

江東令狐綯方鎮淮南庭筠怨居中時不爲助力

過府不肯謁與少年狂遊乞索楊子院夜醉爲邏

卒毆傷訢於綯綯不爲理

庭筠與綯子滴遊素出綯之門宣宗愛唱菩薩

蠻詞綯嘗假庭筠撰密進之戒令勿泄而遽言于人由是疎之又譏綯無學每云中書內生將軍

失歡或

事聞京師庭筠徧見公卿雪冤屬徐商知

政事頗右之白用爲國子助教會商罷相見廢

庭筠既方山草制者裴坦送行擅場者有紀唐去昔在大中開舊唐書以爲在商罷相後誤今從

唐書庭筠之爲助教在商前政日有邪謁集後曰子監咸通七年榜可據晁公武嘗取其說今新

史皆遺之且謂商罷後揚收庭筠著述頗多庭筠而廢考收罷在商前亦

詩韻格清拔文士稱之集四種二十八卷

唐志集

卷金筌第十卷詩集五卷今編詩爲八卷庭筠善漢南真蒙十卷宋志同

李義山嘗謂之曰近得聯句云遠比趙公三十六年宰輔未得偶句曰何不云近同郭令二十四考中書宣宗嘗賦詩上句有金步搖未能對遣求進士對之庭筠以玉條脫對帝賞焉又藥名有白頭翁以蒼耳子爲對初會昌毀寺時分遣御史檢天下所廢寺及收錄金銀佛像有蘇監察者巡檢兩街諸寺見銀佛一尺已下者多袖之而歸人謂之蘇裡佛或問庭筠將何對遽曰無以過密陀僧也他多類此裴廷裕東觀奏記云庭筠與李商隱齊名商隱自開成二年登第至大中十二年以鹽鐵推官死竟不月于王廷後一年庭筠亦栖慚不陟第謫爲九品吏豈以文學爲極致遂于祿位有所愛耶不可得而問矣

五言古詩

俠客行

唐詩集
欲出鴻都門陰雲蔽城闕寶劍黯如水微紅濕餘
血白馬夜頻驚三更灞陵雪

黃曇子歌

參差綠蒲短搖艷雲

一作春

塘滿紅湫蕩融融鶯翁

鷗鷺暖萋芊小成路馬上修蛾懶羅衫裊向風點
粉金鵬卵

湘宮人歌

池塘芳意濕夜半東風起生綠畫羅屏金壺貯春
水黃粉楚宮人芳花玉刻鱗娟娟照棋臺一作臺燭不

語兩含顰

讀曲歌明燈照空
局悠然未有期

江南曲

妾家白蘋浦日上芙蓉檣
軋軋搖櫓聲移舟入菱
葉溪長菱葉深作底難相尋
避郎郎不見鸕鶿自
浮沉拾萍萍無根採蓮蓮有子
不作浮萍生寧爲
藕花死岸傍騎馬郎烏帽紫遊韁
含愁復含笑迴
首問橫塘妾住金陵浦
門前朱雀航流蘇持作帳
芙蓉持作梁出入金犢憶兄弟
侍中郎前年學歌
舞定得郎相許連娟睂繞山
依約腰如杵鳳管悲
若咽鸞絃嬌欲語扇薄露紅鉛
羅輕壓金縷明月
西南樓珠簾玳瑁鉤橫波巧
能笑鸞蛾不識愁花

開子留樹草長根依土早聞金溝遠底事歸郎許
不學閨中婦作楊花白朝朝淚如雨

故城曲

漠漠沙堤煙堤西雉子班雉聲何角角麥秀陰桑
閑遊絲蕩平綠明滅時相續白馬金絡頭東風故
城曲故城殷貴嬪曾占未來春自從香骨化飛作
馬蹄塵

碌碌詞

左亦不碌碌右亦不碌碌野草自一作根肥羸牛
生健犢融蠟作杏蒂男兒不戀家春風破紅意女

頰如桃花忠言未見信巧語翻咨嗟一鞘無一作沒

兩刀徒勞油壁車

西洲詞

吳聲

悠悠復悠悠昨日下西洲西洲風色好遙見武昌樓武昌何鬱鬱儂家定無匹小婦被流黃登樓撫瑤瑟朱絃繁復輕素手直淒清一彈三四解掩抑似含情南樓登且望西江廣復平艇子搖兩槳催過石頭城門前烏臼樹慘澹天將曙鷓鴣飛復還郎隨早帆去迴頭語同伴定復負情儂去帆不安幅作底使西風他日相尋索莫作西洲客西洲人

不歸春草年年碧

邊笳曲

朔管迎秋動雕陰鴈來蚤上郡隱黃雲天山吹白

草嘶馬渡

一作悲

寒磧朝陽照霜堡江南戍客心門

外芙蓉老

古意

莫莫復莫莫絲蘿緣澗壑散木無斧斤纖莖得依
託枝低浴鳥歇根靜懸泉落不慮見春遲空傷致
身錯

寓懷

誠足不顧得妄矜徒有言語斯涼未盡隱顯可悠然
洵彼都邑盛眷惟車馬喧自期尊客卿非意干
王孫衡知有真爵處實非厚顏苟無海岱氣奚取
壺漿恩唯絲一作南山楊適我松菊香鵬鵬誠來
一作未憶誰謂凌風翔

秋日

爽氣變昏旦神臯遍原隰煙華久蕩搖石澗仍清
急柳闇山犬吠蒲流水禽立菊花明欲迷棗葉光
如濕天籟思林嶺車塵倦都邑躊張歿所違悔悵
何由入芳草秋可藉幽泉曉堪浹牧羊燒外鳴林

果雨中拾復此遂閑曠條然脫羈繫田收鳥雀喧
氣肅龍虵蟄佳節足豐穰良朋阻遊集沉機日寂
寥葆素常呼吸投跡倦攸往放懷志所執良時有
東菑吾將事簞笠

鴻臚寺有開元中錫宴堂樓臺池沼雅爲勝
絕荒涼遺趾僅有存者偶成四十韻

明皇昔御極神聖垂耿光沉機發雷電逸躅陵堯
湯西覃積石山北至窮髮鄉四內有獬豸一臂無
螳螂嬋娟得神豔郁烈聞國香紫絳鳴羯鼓玉管
吹霓裳祿山未封侯林甫才爲郎昭融廊日月受

帖安紀綱羣生到壽域百辟趨明堂四海正夷夏
一塵不飛揚天子自遊豫侍臣宜樂康軋然閭闔
開赤日生扶桑玉砌露盤紆金臺漏丁當劒珮相
擊觸左右隨婁鏘玄珠十二旒紅粉三千行盼睐
生羽翼咄一作此嗟迴雪霜神霞凌雲閣春水驪山

陽盤鬪九子粽甌擎五雲漿雙瓊京兆博七鼓邯
鄲倡瑤璫碧雞鬪龍葱翠雉鳩仗官繡蔽膝寶馬
金鏤錫椒塗隔鸚鵡柝彈驚鴛鴦猗歟華國臣鬢
髮俱蒼蒼錫宴得幽致車從真煒煌畫鷁照魚鼈
鳴騶亂驚鷁颭灑蕩碧波炫煌迷橫塘紫盈舞迴

雪宛轉歌遶梁豔帶畫銀絡寶梳金鈿筐沈真類
漢相醉倒疑楚狂一旦紫微東胡星森耀芒憑陵
逐鯨鯢唐突驅犬羊縱火三月赤戰塵千里黃殺
函與府寺從此俱荒涼茲地乃蔓草故基摧壞墻
枯池接斷岸唧唧啼寒螿敗荷塌作泥死竹森如
槍遊人問老吏相對聊感傷豈必見麋鹿然後堪
迴腸幸今遇太平令節稱羽觴誰知曲江上歲歲
樓鸞鳳

長安寺

仁祠寫露宮長安佳氣濃烟樹含慈蔭金刹映羊

茸繡戶香焚象珠網玉盤龍寶題斜翡翠天井例
芙蓉幡長迴遠吹牕虛含曉風遊騎迷青瑣歸鳥
思華鐘雲棋承跗邏羽葆背花重所嗟蓮社客輕
蕩不相從

酬友人

辭榮亦素尚倦遊非夙心寧復思金籍獨此卧煙
林閒雲無定貌佳樹有餘陰坐久菱荷發釣闌菱
葦深遊魚自搖漾浴鳥故浮沈唯君清露夕一爲
灑煩襟

和沈叅軍招友生觀芙蓉池

桂棟坐清曉瑤琴商鳳絲況聞楚澤香適與秋風
期遂從棹萍客靜嘯煙草湄倒影迴澹蕩愁紅媚
漣漪湘莖久鮮漙宿雨增離披而我江海意楚遊
勤夢思北渚水雲葉南塘煙露枝豈無臺榭芳獨
與鷗鳥知珠墜魚迸淺影多鳬汎遲落英不可搴
返照昏澄陂

鄠郊別墅寄所知

持願望平緣萬景集所思南塘過新雨百草生客
姿幽鳥不相識美人何可期徒然委搖蕩惆悵春
風時

寄山中人

月中一雙鶴石上千尺松素琴入爽籟山酒和春
容幽瀑有時斷片雲無所從何事蘇門生攜手東
南峯

嘲春風

春風何處好別殿饒芳草冉冉弱轉鸞旗葳蕤吹雉
葆揚芳歷九門澹蕩入蘭蓀爭奈白團扇時時偷
主恩

燒歌

起來望南山山火燒山田微紅久如滅短焰復相

逶迤差差向巖石冉冉凌青壁低隨迴風盡遠照簷
第赤隣翁能楚言倚鍾欲潛然自言楚越俗燒畬
爲旱田豆苗蟲促促籬上花當屋廢棧豕歸欄廣
塲雞啄粟新年春雨晴處處賽神聲持錢就人卜
藏瓦隔林鳴卜得山上卦歸來桑棗下吹火向白
茅腰鑣映頰蕨風驅榑葉烟榑樹連平山迸星拂
霞外飛燼落堦前仰面呻復嚏鴉娘呪豐歲誰知
蒼翠容盡作官家稅

觀舞妓

朔音悲曄管璫踏動芳塵總袖時增怨聽破復含

嚙凝腰倚風軟花題照錦春朱絃固淒緊瓊樹亦
迷人

獵騎

早辭平展殿夕奉湘南宴香兔抱微煙重鱗疊輕
扇蠶饑使君馬鴈避將軍箭寶柱惜離絃流黃悲
赤縣理釵低舞鬢換袖迴歌面晚柳未如絲春花
已如霰所嗟故里曲不及青樓宴

重押宴
字有誤

春盡與友人入裴氏林採漁竿

一徑互紆直茅棘亦已繁晴陽入荒竹曖曖如春
園倚杖息憩倦徘徊戀微暄歷尋嬋娟節剪破蒼

箕根地閑修莖孤林振餘籜翻適心在所好非必
尋湘沅

余昔自西濱得蘭數本移藝於庭亦旣逾歲
而芄然蕃殖自余遊者未始以芳草爲遇矣
因悲夫物有厭常而返不若混然者有之焉
遂寄情於此

寓賞本殊致意幽非我情吾常有流

一作疏

淺外物

無重輕各言藝幽深彼美香素莖豈爲賞者設自
保孤根生易地無赤株麗土亦同榮賞際林壑近
泛餘煙露清余懷旣鬱陶爾類徒縱橫妍蚩苟不

信寵辱何爲驚真隱諒無迹激時猶揀名幽叢
繭綠畹豈必懷歸耕

戊籤四溫庭筠之二

唐音統籤卷

五百七十六

七言古詩

吳苑行

錦雉雙飛梅結子平春遠綠窗中起吳江澹盡水
連空三尺屏風隔千里小苑有門紅扇開天絲舞
蝶共徘徊綺戶雕楹長若此韶光處處一作還歸
來

東郊行

鬪雞臺下東西道柳覆班雕蝶繁草塊靄韶容鑠
澹愁青筐葉盡蠶應老綠渚幽香生白蘋差差小

浪吹魚鱗王孫騎馬有歸意林彩著空如細塵安
得人生各相守燒船破棧休馳走世上方應無別
離路傍更長千枝柳

塞寒行

燕弓弦勁霜封瓦撲簌寒鵬睇平野一點黃塵起
鴈喧白龍堆下千蹄馬河源怒濁風如刀剪斷朔
雲天更高晚出榆關逐塞北驚沙飛迸衝貂袍心
許凌煙名不滅年年錦字傷離別彩毫一畫竟何
榮空使青樓淚成血

太液池歌

腥鮮龍氣連清防花風漾漾吹細光疊瀾不定照
天井倒影蕩搖晴翠長平碧淺春生綠塘雲容雨
態連青蒼夜深銀漢通栢梁二十八宿朝玉堂

雍臺歌

太子池南樓百尺八窗新樹疎簾隔黃金鋪首畫
鈎陳羽葆停幢拂交戟盤紆欄楯臨高臺殿帳臨
流鸞扇開早鴈驚鳴細波起映花鹵簿龍飛廻

雉場歌

菱葉萋萋接煙曙雞鳴埭上梨花露彩仗鏘鏘已
合圍繡翎白頸遙相妬雕尾扇張金縷高碎鈴素

拂驪駒豪綠場紅跡來相接箭發銅牙傷彩毛麥
隴桑陰小山晚六虬歸去凝笳遠城頭却望幾含
情青畝春蕪連石苑

謝公墅歌

朱雀航南繞香陌謝郎東墅連春碧鳩眠高柳日
方融綺榭飄飄紫庭客文楸方罨花參差心陣未
成星滿池四座無喧梧竹靜金蟬玉柄俱持顧對
局含情見千里都城已得長蛇尾江南王氣繫疎
襟未許符堅過淮水

東峰歌

錦礫潺湲玉溪水曉來微雨藤花紫冉冉山鷄紅
尾長一聲樵斧驚飛起松刺梳空石差齒煙香風
軟人參藥陽崖一夢伴雲根仙菌靈芝夢魂裏

蔣侯神歌

楚神鐵馬金鳴珂夜動蛟潭生素波商風刮水報
西帝廟前古樹蟠白虵吳王赤斧斫雲陣西堂列
壁叢霜刃巫娥傳意托悲絲鐸語琅琅理雙髻湘
烟刷翠湘山斜東方日出飛神鴉青雲自有黑龍
子潘妃莫結丁香花

李相妓人吹簫築歌

蠟煙如繖新蟾滿門外平沙草芽短黑頭丞相九
天歸夜聽飛瓊吹朔管情遠氣調蘭蕙薰天香瑞
彩含綢繡皓然纖指都揭血日暖碧霄無片雲含
商咀徵雙幽咽軟殺疎羅共蕭瑟不盡長圓疊翠
愁柳風吹破澄潭月鳴梭淅瀝金絲藥恨語殷勤
隴頭水漢將營前萬里沙更深一一霜鴻起十二
樓前花正繁交枝簇帶連璧門景陽宮女正愁絕
莫被此聲摧斷魂

郭處士擊甌歌

佶栗金虬石潭古勺陂潏灑幽修語湘君寶馬上

神雲碎珮叢鈴滿煙雨吾聞三十六宮花離離軟
風吹春星斗稀玉晨冷磬破昏夢天露未乾香
衣蘭釵委墜垂雲髮小響丁當迷迴雪晴碧煙瀟
重疊山羅屏半掩桃花月太平天子駐雲車龍鱗
勃鬱雙螭擎宮中近臣抱弱立侍女低鬟落翠花
亂珠觸續正跳蕩傾頭不覺金烏斜我亦爲君長
嘆息緘情遠寄愁無色暮沾香夢綠楊絲千里春
風正無力

生襟屏風歌

玉墀暗接崑崙井井上無人金索冷畫壁陰森九

子堂階前細月鋪花影繡屏銀鴨香蕪濛天上夢
歸花繞叢宜男漫作後庭草不似櫻桃千子紅

西嶺道士茶歌

乳竇濺濺通石脉綠塵愁草春江色澗花入井水
味香山月當人松影直仙翁白扇霜烏翎拂壇夜
讀黃庭經疎香皓齒有餘味更覺鶴心通杳冥

醉歌

簷柳初黃燕新乳曉碧芊綿過微雨樹色深含臺
榭情鶯聲巧作煙花主錦袍公子陳盃觴撥醅百
甕春酒香入門下馬問誰在降階握手登華堂臨

邛美人連山睂低抱琵琶含怨思朔風繞指我先

笑明月入懷君自知勸君莫惜金

一作芳

尊酒年少

須臾如覆手辛勤到老慕簞瓢於我悠悠竟何有

洛陽盧仝

一作生

稱文房妻子脚禿春黃糧阿耋光

頭不識字指麾豪雋如驅羊天犀壓斷朱牋鼠端

錦驚飛金鳳鳳其餘豈足沾牙齒欲用何能報天

子騫馬垂頭搶嗅塵驂騑一日行千里但有沈冥

辭客家支頤瞪目持流霞惟恐南園風雨落碧蕪

狼籍棠梨花

常林歡

宜城酒熟花覆橋沙晴綠鳴鳴咬咬濃桑連舍麥
如尾幽軋鳴機雙燕巢馬聲特特荆門道蠻水揚
光色如草錦薦金爐夢正長東家啞喔鷄鳴早

懊惱曲

藕絲作線難勝針藥粉染黃那得深玉白蘭芳不

相顧青

一作倡

樓一笑輕千金莫言自古皆如此健

劍荆鐘鉛繞指三秋庭綠盡迎霜惟有荷花守紅

死廬

一作西

江小吏朱斑輪柳縷吐芽香玉春兩股

金釵已相許不令獨作空成塵悠悠楚水流如馬

恨紫愁紅滿平野野土千年怨不平至今燒作鴛

鷺瓦

達摩支曲

壽麝成塵香不滅
初蓮作寸絲難絕
紅淚文姬洛水春
白頭蘇武天山雪
君不見無愁高緯花漫漫
漳浦宴餘清露寒
一旦臣僚共囚虜
欲吹羌管先沈瀾
舊臣頭鬢霜華蚤
可惜雄心醉中老
萬古春歸夢不歸
鄴城風雨連天草

陽春曲

雲母空窗曉煙薄
香昏龍氣凝輝閣
霏霏霧雨杏
花天簾外春寒著
羅幕曲欄伏檻金麒麟
沙苑芳

郊連翠茵廐馬何能嚙芳草路人不敢隨流塵

春曉曲

花間集取爲玉樓春調互見辛籤

家臨長信往來道乳燕雙雙拂煙草油壁車輕金
犢肥流蘇帳曉春雞報籠中嬌鳥暖猶睡簾外落
花閒不掃衰桃一樹近前池似惜紅顏鏡中老

春愁曲

紅絲穿露珠簾冷百尺啞啞下纖綆遠翠愁山入
卧屏兩重雲母空烘影涼簪墜髮春眠重玉兔氤
氲柳如夢錦疊空床委墜紅颺颺掃尾雙金鳳蜂
喧蝶戲一作俱悠揚柳拂赤闌纖草長覺後梨化

委平綠春風和雨吹池塘

晚歸曲

格格水禽飛帶波孤光斜起夕陽多湖西山淺似
相笑菱刺惹衣攢黛蛾青絲繫船向江木蘭芽出
土吳江曲水極晴搖汎灑紅草平春染煙綿綠玉
鞭騎馬楊叛兒刻金作鳳光參差丁丁暖漏滴花
影催入景陽人不知彎堤弱柳遙相矚雀扇圓圓
一作團團掩香玉蓮塘艇子歸不歸柳暗桑穠聞布穀

臺城曉朝曲

司馬門前火千炬闌干星斗天將曙朱網龕鬚丞

相車曉隨疊鼓朝天去博山鏡樹香茸茸裏裏浮
航金畫龍大江歛勢避辰極兩闕深巖煙翠濃

雞鳴埭曲

南朝天子射雉時銀河耿耿星參差銅壺漏斷夢
初覺寶馬塵高人未知魚躍蓮東蕩宮沼濛濛御
柳懸栖鳥紅粧萬戶鏡中春碧樹一聲天下曉盤
踞勢窮三百年朱方殺氣成愁煙彗星拂地浪連
海戰鼓渡江塵漲天繡龍畫雉填宮井野火風驅
燒九閭殿巢江燕砌生蒿十二金人霜炯炯芊綿
平綠臺城基暖色春容荒古陂寧知玉樹後庭曲

留待野棠如雪枝

張靜婉採蓮曲

并序

靜婉羊侃妓也其容絕世侃自爲採蓮二曲今樂府所有失其故意因歌以俟採詩者事具載

史梁

蘭膏墜髮紅玉春燕釵拖頸拋盤雲城西楊柳向

橋晚門前溝水波粼粼麒麟公子朝天客珂

一作珮

馬堂堂渡春陌掌中無力舞衣輕翦斷蛟綃破春

碧抱月飄煙一尺腰麝臍龍髓憐鏡嬌秋羅拂水

碎光動露重花多香不銷鵝鵝交交

一作膠

塘水滿

綠芒如栗蓮莖短一夜西風送雨來粉痕零落愁

紅淺船頭折藕絲暗牽藕根蓮子相留連郎心似
月月易缺十五十六清光圓

錦城曲

蜀山攢黛留晴雪
蔡笋蕨芽縈九折
江風吹巧剪
霞綃花上千枝杜鵑血
杜鵑飛入巖下叢
夜叫思歸
山月中巴水漾
情情不盡文君織得春機紅
怨魄未歸芳艸死
江頭學種相思子
樹成寄與望鄉人
白帝荒城五千里

錢塘曲 一作堂堂曲

錢塘岸上春如織
淼淼寒潮帶晴色
淮南遊客馬

連嘶碧草迷人歸不得風飄客意如吹煙纖指
勤傷鴈絃一曲堂堂紅燭筵金鯨瀉酒如飛泉

走馬樓三更曲

春姿暖氣昏神沼李樹拳枝紫芽小玉皇夜入未央宮長火千條照樓鳥馬過平橋通畫堂虎蟠龍
戟風飄揚簾間清唱報寒點丙舍無人遺燼香

春洲曲

韶光染色如蛾翠綠濕紅鮮水容媚蘇小慵多蘭渚間融融浦日鵲鶯窠紫騶蹀躞金銜嘶岸上揚鞭煙草迷門外平橋連柳堤歸來晚樹黃鸝啼

湘東宴曲

湘東夜宴金船人楚女含情嬌翠顰玉管將吹插
鈿帶錦囊斜拂雙麒麟重城漏斷孤帆去惟恐瓊
蟻報天曙萬戶沉沉碧樹圓雲飛雨散知何處欲
上香車俱厭厭清歌暫斷銀屏隔堤外紅塵蠟炬
歸樓前澹月連江白

夜宴曲

長釵墜髮雙蜻蜓碧盡山斜開畫屏虬鬚公子五
侯客一飲千鍾如建瓴鸞咽妖唱圓無節眉斂湘
烟袖迴雪清夜恩情四座同莫令溝水東西別亭

亭蠟淚香珠殘暗露曉風羅幕寒飄飄戟帶儼相
次二十四枝龍畫竿裂管縈絃共繁曲芳樽細浪
傾春醪高樓客散杏花多脉脉新蟾如瞪目

舞衣曲

藕腸纖縷抽輕春煙機漠漠嬌蛾嚙金梭漸瀝透
空薄剪落交刀吹斷雲張家公子夜聞雨夜向蘭
堂思楚舞蟬衫麟帶壓愁香偷得鴛鴦鎖金縷管
含蘭氣嬌語悲胡槽雪腕鴛鴦絲芙蓉力弱應難
定楊柳風多不自持迴嚙笑語西窗客星斗寥寥
波脉脉不逐秦王卷象床滿樓明月梨花白

照影曲

景陽粧罷瓊窗煖欲照潒明香步嬾橋上衣多抱
彩雲金鱗不動春塘滿黃印額山輕爲塵翠鱗紅
穉俱含嚙桃花百媚如欲語曾爲無雙今兩身

遐水謠

天兵九月渡遐水馬踏沙鳴驚鴈起殺氣空高萬
里情塞寒如箭雙眸子狼煙堡上霜漫漫枯葉號
風天地乾犀帶鼠裘無暖色清光炯冷黃金鞍虜
塵如霧昏亭障隴首年年飛漢將麟閣無名期末
歸樓中思婦徒相望

蓮浦謠

鳴橈輶輶溪溶溶
廢綠平煙吳苑東
水清蓮媚兩相向
鏡裏見愁愁更紅
白馬金鞭大堤上
西江日夕多風浪
荷心有露似驪珠
不是真圓亦搖蕩

曉仙謠

玉妃喚月歸海宮
月色澹白涵春空
銀河欲轉星靨靨
碧浪疊山埋早紅
宮花有露如新淚
小苑叢叢入寒翠
綺閣空傳唱漏聲
網軒未辨凌雲字
遙遙珠帳連湘煙
鶴扇如霜金骨仙
碧簫曲盡綵霞動
下視九州皆悄然
秦王女騎紅尾鳳
半空回首

晨鷄弄霧葢狂塵億兆家世人猶作牽情夢

水仙謠

水客夜騎紅鯉魚赤鸞雙鶴蓬瀛書輕塵不起雨
新霽萬里孤光含碧虛露魄冠輕兒雲髮寒絲七
炷香泉咽夜深天碧亂山姿光碎平波滿船月

拂舞詞

黃河怒浪連天來大響肱肱如殷雷龍伯驅風不
敢上百川噴雪高崔嵬二十五絃何太哀請公莫
渡立徘徊下有狂蛟鋸爲尾裂帆截棹磨霜齒神
椎鑿石塞神潭白馬趨趨赤塵起公乎躍馬揚玉

鞭滅沒高蹄日千里

織錦詞

丁冬細漏侵瓊瑟影轉高梧月初出簇簌金梭萬
縷紅鴛鴦艷錦初成疋錦中有結皆同心藥亂雲
盤相間深此意欲傳傳不得玫瑰作柱朱絃琴爲
君裁破合歡被星斗迢迢寥寥一作共千里象尺一作齒

薰爐未覺秋碧池已有新蓮子

惜春詞

百舌問花花不語低回似恨橫塘雨蜂爭粉藥蝶
分香不似垂楊惜金縷願君留得常妖嬈莫逐東

風還蕩搖秦女含嚬向煙月愁紅帶露空迢迢

一作

寥寥

蘭塘詞

塘水汪汪鳬咬喋憶上江南木蘭櫂繡頸金鬚蕩
倒光團團陂綠難頭葉露凝荷卷珠淨圓紫菱刺
短浮根纏小姑歸晚紅粧淺鏡裏芙蓉照水鮮東
溝繡繡勞迴首欲寄一杯瓊液酒知道無郎却有
情長教月照相思柳

三洲詞

團圓莫作波中月潔白莫爲枝上雪月隨波動碎

潸潸雪似梅花不堪折李娘十六青絲髮畫帶雙
花爲君結門前有路輕別離惟恐歸來舊香滅

漢皇迎春詞

春草芊芊晴掃烟宮城大錦紅殷鮮海日初融照
仙掌淮王小墜纓鈴響獵獵東風焰赤旗畫神金
甲葱龍網鉅公

一作巨卿

步輦迎勾芒複道掃塵燕簪

長豹尾竿前趙飛燕柳風吹盡睂間黃碧草含情
杏花喜上林鶯囀遊絲起寶馬搖環萬騎歸恩光
暗入簾櫳裏

昆明池水戰詞

汪汪積水光連空重疊細紋晴漾紅赤帝龍孫鮮
甲怒臨流一時生陰風鼉鼓三聲報天子雕旌獸
艦凌波起雷吼濤驚白石山石鯨眼裂蟠蛟死漠
池海浦俱喧逐青幟白旌相次來箭羽槍纓三百
萬踏翻西海生塵埃茂陵仙去菱花老嗟嗟遊魚
近煙島渺莽殘陽釣艇歸綠頭江鴨眠沙草

湖陰詞

并序

王敦舉兵至湖陰明帝微行視其營伍由
是樂府有湖陰曲而亡其詞因作而附之

祖龍黃鬚珊瑚鞭鐵驄金面青連錢虎鬚拔劍欲
成夢日壓賊營如血鮮海旗風急驚眠起甲重光

搖照湖水蒼皇追騎塵外歸森索妖星陣前歿五
陵愁碧春萋萋瀨川玉馬空中嘶羽書如電八青
瑣雪腕如槌催畫鞦白虬天子金煌鏘高臨帝座
迴龍章吳波不動楚山晚花壓闌干春晝長

春江花月夜詞

玉樹歌闌海雲黑花庭忽作青蕪國秦淮有水水
無情還向金陵漾春色楊家二世安九重不御華
芝嫌六龍百幅錦帆風力滿連天展盡金芙蓉珠
翠丁星復明滅龍頭劈浪哀笳發千里涵空澄水
萬枝破鼻團一作香雪漏轉霞高滄海西玻璃

枕上聞天雞。蠻絃代寫曲如語。一醉昏昏天下迷。
四方傾動煙塵起。猶在濃香夢裏。後主荒宮有。
曉鷺飛來。只隔西江水。

七夕

鳴機札札停金梭。芙蓉澹蕩生池波。神軒紅粉陳。
香羅。鳳低蟬薄。愁雙蛾。微光奕奕凌天河。鸞咽鶴。
唳。飄飄歌響。橋銷盡。愁奈何。天氣貽蕩。雲陂地。平。
明花木。有愁意。露濕綵盤蛛網多。

長短句

春野行

草淺淺春如剪花壓李孃愁飢蠶欲成繭東城少年氣堂堂金丸驚起雙鴛鴦含羞更問衛公子月到枕前春夢長

會昌丙寅豐歲歌

丙寅歲休牛馬風如吹烟日如渥赭九重天子調天下春綠將年到西野翁生兒童門前好樹青茸茸茸茸單衣麥田路村南娶婦桃花紅新姑車石及門柱粉項韓憑雙扇中喜氣自能成歲豐農祥爾勿來爭功

罩魚歌

朝罩罩城南暮罩罩城西兩葉鳴幽幽蓮子相高
低持罩入深水金鱗大如手魚尾迸圓波千珠落
紺藕風颼颼雨離離菱尖刺鵝鵝飛水連網眼白
如影淅瀝蓬聲寒點微楚岸有花花蓋屋金塘柳
色前溪曲悠容杳若去無窮五色澄潭鴨頭綠

蘇小小歌

買蓮莫破券買酒莫解金酒裏春容抱離恨水東
蓮子懷芳心吳宮女兒腰似束家在錢塘小江曲
一自檀郎遂便風門前春水年年綠

戊籤四溫庭筠之三

唐音統籤卷

五百七十七

五言律詩一

握柘詞

楊柳紫橋綠玫瑰拂地紅繡衫金鞍裏花髻玉瓏
璫宿雨香潛潤春流水暗通畫樓初夢斷曉日照
湘風

勅勒歌

勑勒金幘碧

一作壁

陰山無歲華帳外風飄雪營前

月照沙羗兒吹玉管胡姬踏錦花却笑江南客梅
落不歸家

金虎臺

碧草連金虎青苔蔽石麟
皓齒芳塵起纖腰玉樹
春倚瑟紅鉛濕分香翠黛
嚙誰言奉陵寢相顧復
沾巾

齊宮

白馬雜金飾言從雕輦迴
粉香隨笑度髣態伴愁
來遠水斜如剪青莎綠似
裁所恨章華日冉冉下
層臺

陳宮詞

雞鳴人草草香輦出宮花
妓語細腰轉馬嘶金面

斜早鶯隨綵仗驚雉避凝笳淅瀝湘風外紅輪映
曙霞

邯鄲郭公辭

金笳悲故曲玉座積深塵言是邯鄲伎不見鄴城
人青苔竟埋骨紅粉自傷神唯有漳河柳還向舊
營春

偶題

孔雀眠高閣櫻桃拂短簷盡明金冉冉箏語玉纖
纖細雨無妨燭輕寒不隔簾欲將紅錦段因夢寄
江淹

春日

柳暗杏花稀
梅梁乳鷺飛
美人鸞鏡笑
嘶馬鴈門歸
楚宮雲影薄
臺城心賞違
從來千里恨
邊色滿戎衣

早秋山居

山近覺寒早
草堂霜氣晴
樹凋窗有日
池滿水無聲
果落見猿過
葉乾聞鹿行
素琴機慮靜
空伴夜泉清

春日野行

騎馬踏煙莎
青春奈怨何
蝶翎朝一作胡粉盡
鴉背

夕陽多柳豔欺芳帶山愁紫翠蛾別情無處說方
寸是星河

太子西池二首

梨花雪壓枝鴛轉柳如絲嬾逐粧成曉春融夢覺
遲鬢輕全作影顰淺未成睂莫信張公子窗間斷
暗期

花紅蘭紫莖愁草雨新晴柳占三春色鴛偷百鳥
聲日長嫌輦重風暖覺衣輕薄莫香塵起長楊落
照明

京兆公池上作

稻香山色疊平野接荒陂蓮少舟行遠萍多釣下
遲壞堤泉落處涼簾雨來時京口書堪問一作何

因入夢思

宿友人池

背牆燈影暗宿客夢初成半夜竹窗雨滿池荷葉
聲簾涼秋閣思木落故山情明發又愁起桂花溪
水清

月中宿雲居寺上方

虛閣披衣坐寒階踏葉行衆星中夜少圓月上方
明靄盡無林色喧餘有澗聲祇應愁恨事還逐曉

光生

宿輝公精舍

禪房無外物清話此宵同
林彩水烟裏澗聲山月中
橡霜諸壑霽杉火一爐空
擁褐寒更徹心知覺路通

宿一公精舍

夜闌黃葉寺瓶錫兩俱能
松下石橋路雨中山殿燈
茶爐天姥客碁席剡溪僧
還笑長門賦高秋臥茂陵

宿澧曲僧舍

東郊和氣新芳靄遠如塵客舍

一作路

停疲馬僧墻

盡故人沃田桑景晚平野菜花春更想嚴家瀨微
風蕩白蘋

宿秦僧山齋

衡巫路不同結室在東峯歲晚得支遁夜寒逢戴
顓龍燈落葉寺山雪隔林鐘行解無由發曹溪欲
施春

途中有懷

驅車何日閑擾擾路岐間歲暮自多感客程殊未
還亭臯汝陽道風雪穆陵關臘後寒梅發誰人在

故山

西遊書懷

渭川通野戍有路上桑乾獨鳥青天暮驚磨赤燒
殘高秋辭故國昨日夢長安客意自如此非關行
路難

東歸有懷

晴川通野陂此地昔傷離一去迹常在獨來心自
知鷺眠茭葉折魚靜蓼花垂無限高秋淚扁舟極
路岐

旅次盱眙縣

離離麥擢芒楚客意偏傷波上旅愁起天邊歸路
長孤橈投楚驛殘月在淮櫓外社三千里誰人數
鴈行

江岸卽事

水容侵古岸峯影度青蘋廟竹唯聞鳥江帆不見
人雀聲花外暝客思柳邊春別恨轉難盡年年
行行汀草新

商山早行

晨起動征鐸客行悲故鄉雞聲茅店月人跡板橋
霜

三山老人語錄云六一居士甚喜此語欲効之終不及也

櫟葉滿山路枳花

明驛墻因思杜陵夢鳬鴈滿廻塘

過西堡塞北

淺草乾河濶叢棘廢城高
白馬紋犀首黑裘金佩
刀霜清徹兔目風急吹鵬毛
一經何用厄日暮涕
沾袍

登盧氏臺

勝地當通邑前山有故居
臺高秋盡出林斷野無
餘白露鳴蛩急晴天度鴈疎
由來放懷地非獨在
吾廬

題薛昌之所居

所得迺清曠寂寥常掩關獨來春尚在相得暮方
還花白風露晚柳青街陌閑翠微應有雪牕外見
南山

題陳處士幽居

松軒塵外客高枕自蕭疎雨後苔侵井霜來葉滿
渠閒看鏡湖盡時得越僧書若待前溪月誰人伴
釣魚

處士盧崱山居

西溪問樵客還識楚人家古樹老連石急泉清露
沙千峯隨雨暗一逕入雲斜日暮鳥飛散滿山麴

麥花

一作日暮飛鴉
散滿庭趨麥花

清旦題採藥翁草堂

幽人尋藥徑來自曉雲
遺衣濕木花雨語成松
嶺烟解藤開澗戶踏石
過溪泉林外晨光動山
昏鳥滿天

題中南佛塔寺

鳴泉隔翠微千里到柴
扉地勝人無慾林昏虎
有威澗苔侵客履山雪
入禪衣桂樹芳陰在還
期歲晏歸

題僧泰恭院二首

昔歲東林下深公識姓名爾來辭半偈空復嘆勞
生憂患慕禪味寂寥遺世情所歸心自得何事倦
塵纓

微生竟勞止晤言猶是非出門還有淚看竹暫忘
機爽氣三秋近浮生一笑稀故山松菊在終欲掩
荆扉

題造微禪師院

夜香聞偈後岑寂掩雙扉照竹燈和雪看松月到
衣草堂疎磬斷江寺故人稀唯憶湘南雨春風獨
鳥啼

題蕭山廟

故道木陰濃荒祠山影東杉松一庭雨幡蓋滿堂

風客奠晚沙

一作晚沙

濕馬嘶春

集作秋

廟空夜深雷電

歇龍入古潭中

題竹谷神廟

蒼蒼松竹晚一徑入荒祠古樹風吹馬虛廊日照

旗煙煤朝奠處雲雨夜歸時寂寞東朝

一作湘江

客空

看蔣帝碑

巫山神女廟

黯黯閉宮殿霏霏陰薜蘿曉峯眉上色春水臉前

波古樹芳菲盡扁舟離恨多一叢班竹夜環珮
如何

戊籤四溫庭筠之四

唐音統籤卷

五百七十八

五言律詩二

和段少常柯古

稱觴慙座客懷刺卽門人
素尚寧知貴清談不厭
貧野梅江上晚堤柳雨中
春未報淮南詔何勞問
白蘋

和友人盤石寺逢舊友

楚寺上方宿滿堂皆舊遊
月溪逢遠客煙浪有歸
舟江館白蘋夜水關紅葉
秋西風吹暮雨汀草更
堪愁

月日集
贈盧郎中

白首方辭滿荆扉對渚田雪中無陋巷醉後似當年
一笈負山藥兩瓶携澗泉夜來風浪起何處認
漁船

贈盧長史

移病欲成隱扁舟歸舊居地深心事少官散故交
疎道直更無侶家貧惟有書東門煙水夢非獨爲
鱸魚

贈鄭處士

飄然隨釣艇雲水是天涯紅葉下荒井碧梧侵古

槎醉收陶令菊貧賣邵平瓜更有相期處南籬一
樹花

贈隱者

茅堂對薇蕨爐煖一裘輕醉後楚山夢覺來春鳥
聲採茶溪樹綠煮藥石泉清不問人間事忘機過
此生

盧氏池上遇雨贈同遊

簾翻涼氣集溪上澗殘碁萍皺風來後荷喧雨到
時寂寥閑望久飄酒獨歸遲無限松江恨煩君解
釣絲

贈越僧岳雲

集作二首

蘭亭舊都講今日意如何有樹開深院無塵到淺

莎僧居隨處好人事出門多不及新春鳥

集作

年

年鏡水波

世機銷已盡巾屨亦飄然一室故山月滿鐙秋澗

泉禪庵過微雪鄉寺隔寒煙應共白蓮客相期松

桂前

贈楚雲上人

松根滿苔石盡日閉禪關有伴年年月無家處處

山煙波五湖遠瓶屨一身閑岳寺蕙蘭晚幾時幽

烏還

贈僧雲棲

墜尾與筇杖幾年離石壇
梵餘林雪厚碁罷岳鍾
殘開卷喜先悟激甌知早寒
衡陽寺前鴈今日到
長安

春日寄岳州韋員外二首

苒弱樓前柳輕空花外鶼
蝶高飛有伴鶯早語無
雙剪勝裁春字開屏見曉
江從來世情戰今日欲
歸降

從小識賓卿恩深若弟兄
相逢在何日此別不勝

情紅粉座中客
綵旂江上城
尚平婚嫁累無路
逐雙旌

渚宮晚春寄秦地友人

風華已眇然
獨立思江天
鳬鴈野塘水
牛羊春草烟
秦原曉重疊
灞浪夜潺湲
今日思歸客
愁容在鏡懸

旅泊新津却寄一二知己

維舟息行役
霽景近江村
併起別離恨
似聞歌吹喧
高林月初上
遠水霧猶昏
王粲平生感
登臨幾斷魂

雪夜與友人同宿曉寄近隣

閉門羣動息積雪透疎林有客寒方覺無聲曉已深
正繁聞近鴈併落起棲禽寂寞寒塘路憐君獨

阻尋

一作屢跡行當滿依依欲阻尋

初秋寄友人

閒夢正悠悠涼風生竹樓夜琴知欲雨曉簾覺新秋
獨鳥楚山遠一蟬關樹愁憑將離別恨江水一作

外問同遊

寄山中友人

惟昔有歸趣今茲顧願言嘯歌成往事風雨坐涼

軒時物信佳節歲華非故園因知春草色何意爲
王孫

宿白蓋峰寺寄僧

山房霜氣晴一宿遂平生閣上見林影月中聞澗
聲佛燈銷永夜僧磬徹寒更不學何居士焚香爲
宦情

送并州郭書記

賓筵得佳客侯印有光輝候騎不傳箭迴文空上
機塞城牧馬去烽火射雕歸惟有嚴家瀨迴環逕
草微

送北陽袁明府

楚鄉千里路君去及良晨
葦浦迎船火茶山候吏塵
桑濃蚕臥晚麥秀雉聲春
莫作東籬興青雲有故人

送淮陰縣令

隋堤楊柳烟孤棹正悠然
蕭寺通淮戍蕪城枕楚田
魚鹽橋上市燈火雨中船
故老青葭岸先知宓子賢

送洛南尉之官

集作李
主簿

想君秦塞外應見楚山青
柰葉曉迷路梨花春滿

庭祿優仍侍膳官散得專經余亦還愚谷歸心在
翠屏

送李生歸舊居

一從征戰後故社幾人歸薄宦離山久高談與世
稀夕陽當板檻春日入柴扉莫却嚴灘意西溪有
釣磯

早春漣水送友人

青門烟野外渡漣送行人鴨臥溪沙暖鳩鳴社樹
春淺波青有石幽草綠無塵楊柳東風裏相看淚
滿巾

送人南遊

送君遊楚國江浦樹蒼然沙淨有波跡岸平多草
烟角悲臨海郡月到度淮船唯以一杯酒相思隔
遠天

送人東遊

荒戍落黃葉浩然離故關高風漢陽渡初日郢門
山江上幾人在天涯孤棹還何當重相見尊酒慰
離顏

送僧東遊

師歸舊山去此別已悽然燈影秋江寺篷聲夜雨

船鷗飛吳市外麟臥晉陵前若到東林社誰人更問禪

送渤海王子歸本國

疆理雖重海車書本一家盛勲歸舊國佳句在中華定界分秋漲開帆到曙霞九門風月好回首是天涯

江上別友人

秋色滿葭蕀離人西復東幾年方暫見一笑又難同地勢蕭陵歇江聲禹廟空如何暮灘上千里逐離鴻

與友人別

半醉別都門
含悽上古原
晚風楊葉社
寒食杏花村
薄暮牽離緒
傷春憶晤言
年芳本無限
何況有蘭蓀

正見寺曉別生公

清曉盥秋水
高窗留夕陰
初陽到古寺
宿鳥起寒林
香火有良願
宦名非素心
靈山緣未絕
他日重來尋

經李處士杜城別業

憶昔幾遊集
今來倍歎傷
舊花情易老
一第事難

忘白社已蕭索青樓空艷陽不閑雲雨夢猶欲過
高唐

登李羽士東樓

經客有餘音他年終故林高樓本危睇涼月更傷
心此意竟難析伊人成古今流塵無可歎非復懶
鳴琴

題豐安里王相林亭二首

公明太
玄經

花竹有薄埃嘉遊集上才白蘋安石渚紅葉子雲
臺先戶雀羅設黃門馭騎來不知淮水濁丹藕爲
誰開

偶到烏衣巷含情更惘然西州曲堤柳東府舊池蓮
星坼悲元老雲歸送墨仙誰知濟川楫今作野人船

莊恪太子挽歌詞二首

鼙鼓辭宮殿悲笳降杳冥影離雲外日光滅火前
星鄴客瞻秦苑商公下漢庭依依陵樹色空繞古
原青

東府虛容衛西園寄夢思鳳懸吹曲夜雞斷問安
時塵陌都人恨霜郊賄馬悲唯餘埋壁地烟草近
丹墀

中書令裴公挽歌詞二首

王儉風華首蕭何社稷臣丹陽布衣客蓮渚白頭
人銘勒燕山墓碑沉漢水春從今虛醉飽無復汚
車茵

箭下妖星落風前殺氣迴國香荀令去樓月庾公
來玉璽終無慮金滕竟不開空嗟薦賢路芳草滿
燕臺

劉秘書挽歌辭二首

王筆活鸞鳳謝詩生芙蓉學筵開絳帳談柄發洪
鐘粉矚見飛鵬玉山猜臥龍遺風灑清韻蕭散九

原松

塵尾近良玉鶴裘吹素絲
壞陵殷浩謫春墅謝安
棊京口貴公子襄陽諸女兒
折花兼踏月多唱柳
郎詞

雨

憑軒望秋雨涼入暑衣清
極目鳥頻沒片時雲復
輕沼萍開更歛山葉動還
鳴楚客秋江上蕭蕭故
國情

秋雨

雲滿鳥行滅池涼龍氣腥
斜飄看棊簾疎洒望山

亭細響鳴林葉圓文波沼萍秋陰杳無際平野但
冥冥

雪

羸驂出更慵林寺已疎鐘踏緊寒聲澁飛交細點
重圍斜人過跡階靜鳥行蹤寂寞梁鴻病誰人代
夜春

詠曉

蟲歇紗窗靜鴉散碧梧寒稍驚朝珮動猶傳清漏
殘亂朱凝燭淚微紅上露盤褰衣復理鬢餘潤拂

蘭

詠春幡

閒庭見早梅花影爲誰裁
碧煙隨外落蟬鬢覺春來
戍郡嘶金勒梵聲悲鏡臺
玉釵風不定香步獨徘徊

詠顰

羽薄歛愁翠黛嬌攢豔
春恨容偏落淚低態定思人
枕上夢隨月扇邊歌繞塵
玉鈎鸞不住波淺石磷磷

牡丹

輕陰隔翠幃宿雨泣晴暉
醉後佳期在歌餘舊意

非蝶繁輕粉住蜂重抱香歸莫惜薰爐夜因風到舞衣

海榴

海榴開似火先解報春風葉亂裁牋綠花宜插髻紅蠟珠攢作帶細綵剪成叢鄭驛多歸思相期一笑同

題磁嶺海棠花

幽態竟誰賞歲華空與期島迴香盡處泉照艷濃時蜀彩淡搖拽吳粧低怨思王孫又誰恨惆悵下山遲

敷水小桃盛開因題

有截前四句
爲絕句者誤

敷水小橋東
媚媚照露叢
所嗟非勝地
堪恨是春風
二月艷陽節
一枝惆悵紅
定知留不住
吹落路塵中

苦練花

院裏鶯歌歇
牆頭舞蝶孤
天香薰羽葆
宮紫暈流蘇
曉暎迷青瑣
氤氳向畫圖
只應春惜別
留與博山爐

芙蓉

刺莖澹蕩碧
花片參差紅
吳歌秋水冷
湘廟夜雲

空濃艷香露裏美人青鏡中南樓未歸客一夕練
塘東

山鷄

百
萬一作壑動晴景山禽陵翠微繡翎翻草去紅背

啄花歸巢暖碧雲色影孤清鏡輝不知春樹畔何
處又分飛

李先生別墅望僧舍寶剎因作雙聲韻

棲息消心象簷楹溢艷陽簾櫳蘭露落隣里柳陰
涼高閣過空谷孤竿隔古岡潭盧同澹蕩髮髯復
菲芳